

Көдлмшин сән дамшлтиг делгрүлдж олнд күргхмн

Республикин күч-көлсчирин эн джил кедж делгрүлсн көдлмшин ашнь нам алык халхарн болв чигн үзмджтә сән болв.

Мана республикин күч-көлсчир, эн джилин элвг ургъциг сәәнәр, күццднь олзлхин эркд, малдан хойр джилдән элвгәр күрх хот беллдж авхми гих ата-маргъатагъар ноолда бурдәцхәлә. Тер зүткәтә ноолдана ашл ик гидж көдлмш делгрүлгдв.

Тегәд цуг эн тоот селәнә эдл-ахун олн зүсн көдлмшин алык участкднь болв чигн, көдлмшин сән үлгүр, медчксн медрл, дассн дамшлт харгъна, кеер, күцәсн көдлмшнь үлгүр болв, әмтнд сургъмдж болх, тедү дүньгә шундж гүлжрдж көдлдг, данъгинд өмн нүүрт, өднъ тасрхан уга буульгддж, мактгддж йовх улс бас харгъна.

Ода тер тоотиг арднь ордж хурадж, түүг наадк, көдлмшәрн ард хоцрдж йовх колхозмудар болн совхозмудар тархалж, сәәнәр көдләд өмн нүр эздж йовх улсин дамшлтиг наадк әмтст күрглгән— иим көдлмш ода чигн сулар кегддәнә.

Республикд нерднь тууртсн хөбчир чигн, үкрчир чигн, шову хәләдж асрдг улс чигн, гаха асрачир чигн олн. Цугтагъинь күцлж келдж болшго. Эднәс кеннь болв чигн көдлмшин гәәвгәә гидж дамшлтта.

Тер тоотиг хурадж, хамшулдж олнд күргдж делгрүлх зөвтә селәнә эдл-ахун танъгъчин управлень, тедү мет КПСС-н зәрм районн комитетс чигн эн тускар амрсн көдлмш кеджәцхәш.

КПСС-н районн комитетс цугъар гилтә өмн нүүрт йовх саальчирин, үкрчирин тускар бюллетень гаргъцхана. Улгуринь келхд, Юстинск районд, үзмджин доск гидж бәәнә. Терүнднь кууна ганцхн нердәснь төрүц юмн бичгдхш. Нам түүгән цаглань кедг болхла юн керг, терүгән кецхәш. Приозерн, Приютненск, Яшалтинск райодт бюллетень тасрхан уга гаргъгдна. Тедү мет бас нерднь болн то бичгдхәс биш, нань тиим куунд тодрхагъар медгдм үг бичгддхәш.

Тер бичгддхәх күн ямаран учрар сәәнд тоолгддхәхмб, көдлмшән ягъдж кедг болна, юн учрар көдлмшнь сән болдж тоолгддхәна, ягъдж тер көдлмшән ясерулдж чадсмб, куунд сургъмдж болмар эн тоотинь цугтагъинь цәәлгъдж тодрхагъар бичдж олнд күргдж медүлх кергтә.

Олзта-орутагъар көдлджәх совхозмуд республикд олн бәәнә. Саяд орута колхозмуд

чигн бәәнә. Элнә көдлмшин дамшлт әмтнд медүлгдәд уга.

Приозерн района „Сарпа“ совхоз нидн джил күс-дундур сай арслнъга орута билә. Ягъдж, ямаран эвәр эн совхоз түүгән күцәсинь бичәл олнд цәәлгъдж өгхлә ик ачта-туста керг болхмн.

Бас эн района „Сухотинский“ совхоз темс тәрлгъәр эн джилд йир ик көдлмш, кев Ургъсн темснь букл райондан күрм дүньгә ик. Урднъ эн районд темсн тәргддго билә, темс тәрәд тус уга гидж тоолгддг бәәсмн.

Сарпинск района „Гигант“ колхоз эн джил 30 сай арслнъга ору авх саната бәәнә. Тернъ лавта күцхмн. Эн колхоз ус орулдж тәрдг кесг зун гектар газрта. Ганъгас эн колхоз әәдхәш. Эн джил эн колхоз 80 гектар газрт темс тәрв.

Западн района „Пролетарская победа“ колхоз бас күчтә колхоз. Эн колхозин көдлмшт куунд сургъмдж болх йовдлмуд олн бәәнә. Эн колхозд тосхлтин көдлмш сән, колхозиннь селәгъән көкрүлдж кеерүлгән йир сәәнәр кегддәнә. Нидн джил эн колхоз шуд ганцхн зер-земшин 300 гар модд суулгъв. Шинәс гермүд бәрхән темдгләд авчкларн, улинь тәвхәсн урд герә тәгәлүләд виноград тәрчкә. Эн сән седвәр.

Приютненск района 4-ч номертә совхоз урд цагт усн күртдго совхоз бәәсмн. Суулинък цөбкн джилмүдин эргд эн совхоз 11 боодг кедж авб. Ода усн элвг. Усн элвг болсна учрар эн совхоз джил болгән темснә ик ургъцта болна, дала әдл шовуд бәрнә, дакад гидм болхла боодгуднь загъсар дүүрнъ.

Цуг эн тоот өмн нүүрт йовх көдлмшин сән дамшлт болдж тоолгддхәна.

Куунд сургъмдж болм көдлмшин иим гәәвгәә гидж дамшлтиг цуг эв-аргъарнь олнд күргхән хәәхмн. Энүнә эв-аргънь олн-зүсн. Зуг тер тоотиг медх кергтә, чикәр олзлх кергтә.

Урднъ дасмдж болад бәәсн экономическ конференц келгъиг мартл уга дакн сергәдж босхх кергтә. Дегтр, бюллетень гаргъдж болджана, семинар кех кергтә. Көдлмшин сән дамшлтин тускар районн газетс тасрхан угагъар бичдхәцхәх учрта.

Көдлмшин сән дасмджиг, өмн нүүрт йовх көдлмшин дамшлтиг, сәәнәр көдлдж йовх улсин хурц медрлиг делгрүлдж олнд күрглгән— партийн болн советск организацсин онъгас хөбгъшго йир ик элдү чинртә төрмүд.